

REVISTA FAMILIAR TA SER REPITI

ORANJESTAD(AAN)--

E revista familiar cu a ser teni durante weekend na Rolando's a resulta den un exito asina grandi cu e show aki lo wordo ripiti.

E show mester a cuminsa pa 12 or anochi diasabra, pero pa 10.30 or no tabata tin lugar mas pa pone hende, y cantidad di hende a bay cas sin por a haya lugar pa dren-ta.

E revista familiar mes a resulta den un exito asina grandi cu e presentenan mes a haci peticion pa ripiti esaki, di manera cu dentro di algun siman e lo ser ripiti, ya cu tur e cantantenan lo presenta cu un repertorio nobo, y pa motibo di otro actividad e diasabra awor, no ton ora disponibel pa Revista familiar den Rolan-

do's.

Un di e cantantenan cu a duna un presentacion magnifico y a cosecha canti dad di aplauso tabata Rosalda.

Brenda como solista a logra un hit grandi cu su numero musical "Un recuerdo tristo", mientras den duo cu Abel, Brenda a logra conquista curazon di tur presente cu e cancion "No me interesa loque pasa".

E cancion aki lo ta ariba e longplay di Duo Ideal Brenda y Abel, cual dentro di algun siman lo ta na Aruba.

Otro cantante cu a logra exito tabata Conny cu a conmovi e publico epecialmente cu e cancion "Un sunchi" cual ta ariba su disco 45 recientemente graba y cu ta resonando na tur emi-

sora.

Tur e cantantenan a canta tambe cu Mariachi Perla di Aruba cu manera custumber ta gana aprecio di tur hende unda cu nan toca.

Perla di Aruba cu Jolanda v.d. Linden a trece un bida grandi den e show cu e parti mexicano, cu a ser intercambia cu baladanan cu a ser presenta e anochi aki.

E publico a keda te laat den madrugada pa goza di e anochi formidable aki y continuamente tabata pidi pa mas, y tambe pa e show aki wordo ripiti.

Den conversacion cu DIARIO tabata tin cu Abel, el a dunadi conoce cu e anochi aki a laga su persona conmovi, ya cu tabata un di e shownan mas bunita cu el a yega

di participa aden, y e acogido cu tur e artistanan a haya di e publico tabata un estimulo grandi, net e estimulo cu cualquier cantante of artista mester pa continua den nan ramo. "Si nan tabata kier pa awe mes nos ripiti e show, mi lo ta e prome cu lo a duna mi okay, mirando con bon e publico tabata cu nos e anochi aki", el a laga sa.

COMPOSICION MUSICAL PA STATUS APARTE

ORANJESTAD(AAN)-- Celebracion di Status Aparte pa Aruba na Januari proximo ta den cuadro di un expresion cultural.

Aribadiferente tereno e pueblo lo mester expresa su sentimentonan patriotico.

Den un poesia of cancion tambe un hende por expresa e deseo di e pueblo.

Gobierno ta invita nos compositonan local pa expresa e sentimentonan patriotico den cancionnan na Papiamento.

Ariba ritmo di tumba, wals, of mazurka un cancion cu palabranan bon escogi mester por reflesha nos amor pa nos dushi Aruba.

Tur composicion mester ser entrega nos mas

tarda cu 15 di september na Oficina di celebracion di Status Aparte na Instituto di Cultura.

E composicionnan dependiendo di e cantidad por ser interpreta durante un festival di cancion.

Tambe nan lo por forma parti di e homenage na nos Status Aparte durante celebracion ariba dia 6 di januari proximo.

Gobierno di Aruba ta spera cu tur compositor local sa di expresa nan sentimento Arubano pa medio di cancionnan na papiamento cu tin di haber cu e cambio estatal.

G A N G A


1.

STOOF
CETRON

30 PA LUNA
NA CREDITO

120 CASH DEN
TRES PAGO

295 CASH



cu thermostaat

2.

WRINGER WASHER
REGINA

60 PA LUNA
NA CREDITO

230 CASH DEN
TRES PAGO

595 CASH



595,-


3.

REFRIGIDAIRE
WHITE WESTINGHOUSE

67 PA LUNA
NA CREDITO

265 CASH DEN
TRES PAGO

695 CASH



MAYORNAN Cont. di pag. 3

bierno pa revoca su proposicion haci na parlamento y busca otro caminda pa corta den presupuesto, por ehemplo manera a wordo proponi door di un partido, esta saca 5 00 mil florin for di e post di Heavy Equipment y pone na disposicion di enseñanza pa mantene schoolnan habri.

E mayornan a alerta gobierno cu nan lo no acepta ningun medida cu lo

trece enseñanza di nan yiunan na peliger y ta exige di gobierno pa di awor en adelante mantene nan mes na leynan existente, esta consulta cu mayornan prome cu bini cu cualquier proposicion cu ta toca e educacion di nos criaturanan", e firmantenan, 2121 en total a pone den e carta cu a ser entrega na Bestuurscollege hunto cu e 2121 firmanan.



UNICON

Fergusonstraat 41
Tel.: 23555



Antillean Mercantile Corporation

Lagoweg, San Nicolas, tel.: 46016/45635
Havenstraat 32, Oranjestad, tel.: 21804/21445

CASA MONALISA

Van Leeuwenhoekstraat 3 B
Tel: 21867

TREMENDO
DESCUENTO

30% - 50%

ARIBA TUR PAÑA

